



Claude WISELER
President vun der
Chamber vun den Deputéierten
19, um Krautmaat
L-1728 Lëtzebuerg

Lëtzebuerg, den 28/11/2025

Här President,

Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un d'Ministère fir Landesplanung, Héichschoul a Fuerschung, Bildung, Kanner a Jugend & Mobilitéit an Ëffentlech Aarbechten weiderzeleeden.

Op enger Informatiounsversammlung den 23te Mee 2016 am Tramschapp haten déi deemoleg Verantwortlech aus der fréierer Regierung souwéi der Stater Gemeng den Awunner um Lampertsbiërg ee Konzept virgeluecht, fir d'Verkéiserssituatioun um Lampertsbiërg ze berouegen. D'Zil war et, fir bis 2027 manner schoulesch Aktivitéiten um Lampertsbiërg ze hunn, fir domadder den Trafic ze berouegen. Schoul- an Unisgebaier sollten ëmgenotzt ginn, fir Wunnengen hei ze bauen. Et stellt een awer fest, dass haut am Joer 2025 awer nach ëmmer vill schoulesch Aktivitéiten am Quartier konzentréiert sinn.

An deem Zesammenhang wéilt ech de Ministeren dës Froe stellen:

1. Wéi vill Schüler waren 2016 an de Schoulen um Lampertsbiërg ageschriwwen a wéi vill Plaze fir Studente waren um Campus Lampertsbiërg?
Wéi hunn sech dës Zuele bis 2025 entwéckelt?
2. Hält d'Regierung un der Zuel vu 6000 manner Schüler bis 2027 fest, wéi et op der Versammlung presentéiert gouf?
Falls net, wat ass déi aktualiséiert Zuel?



3. Wéi vill a wéi eng Terrainen um Lampertsbiërg, déi duerch d'Plënnere vu Schoulen oder der Uni fräi gi sinn, goufe fir Wunnensprojeten ëmstrukturéiert a wéi vill Wunnenge sinn hei entstanden?

Mat déiwem Respekt,



GOERGEN Marc
Deputéierten







Gemeinsam Äntwert vum Minister fir Educatioun, Kanner a Jugend, Claude Meisch, der Ministesch fir Fuerschung an Héichschoul, Stéphanie Obertin, an der Ministesch fir Mobilitéit an ëffentlech Aarbechten, Yuriko Backes, op d'parlamentaresch Fro Nr. 3271 vum honorabelen Deputéierten Marc Goergen

1. Wéi vill Schüler waren 2016 an de Schoulen um Lampertsbiërg ageschriwwen a wéi vill Plaze fir Studente waren um Campus Lampertsbiërg? Wéi hunn sech dës Zuele bis 2025 entwéckelt?

2016 waren um ieweschte Lampertsbiërg en Total vun 8.050 Schüler a Studenten ageschriwwen. Am Graphique hei drënner kann een d'Opdeelung vun de Schüler a Studenten op déi jeeweileg Etablissementer erausliesen.



Tëschent 2016 an 2025 sollten sech d'Schüler -a Studentenzuelen, folgendermoossen entwéckelen:



Aktuell sinn um ieweschte Lampertsbiërg nach ongeféier 4.050 Schüler an de béide Lycéeën a 400 Schüler an der Waldorfschoul ageschriwwen. Mëttlerweil huet ee groussen Deel vun der Universitéit Lëtzebuerg gradewéi och de Lycée Vauban (Enseignement secondaire a fondamental) de Campus Lampertsbiërg verlooss.

2. Hält d'Regierung un der Zuel vu 6000 manner Schüler bis 2027 fest, wéi et op der Versammlung presentéiert gouf? Falls net, wat ass déi aktualiséiert Zuel?

Zil vun der Regierung ass et weiderhin, wéi och an der Informatiounsversammlung vum 23. Mee 2016 annoncéiert, d'Gesamtziel op 1.400 Schüler um ieweschte Lampertsbierg ze reduzéieren.

3. Wéi vill a wéi eng Terrainen um Lampertsbierg, déi duerch d'Plënnere vu Schoulen oder der Uni fräi gi sinn, goufe fir Wunnensprojeten ëmstrukturéiert a wéi vill Wunnenge sinn hei entstanen?

Bis dato konnten nach keng Wunnensprojeten um Lampertsbierg realiséiert ginn, well de concernéierte Lycée, d'International School Michel Lucius, säi Site nach net liberéiert huet.

Lëtzebuerg, den 18. Dezember 2025

De Minister fir Educatioun,
Kanner a Jugend

(s.) Claude MEISCH